

NOTA IMPRENSA

KONSILIASAUN ENTRE REPÚBLIKA DEMOKRÁTICA TIMOR-LESTE NO KOMUNIDADE AUSTRÁLIA

HAIA, LORON 23 FULAN-NOVEMBRU TINAN 2017

Timor-Leste no Austrália kontinua envolve ho Joint Venture Greater Sunrise nian no hetan progresu atu to'o ba asinatura ba tratadu kona-ba ketan tasik (fronteira marítima)

Komisaun Konsiliaun hala'o sorumutuk iha semana ikus ne'e, iha Singapura, ho República Demokrátika Timor-Leste (“**Timor-Leste**”) no Komunitade Austrália (“**Austrália**”), no mós ho Joint Venture Greater Sunrise nian, ho hanoin atu analiza progresu husi dalan ba dezvoltimentu kampu gás sira Greater Sunrise nian.

Sorumutuk ne'e konvoka hafoin Akordu kona-ba Pakote Abranjente ne'ebé Parte sira halo ona iha loron 30 fulan-agostu tinan 2017 kona-ba ketan tasik sira iha Tasi Timor, ne'ebé inklui “Planu Asaun” ida kona-ba envolvimentu ba dezvoltimentu rekursu. Hanesan parte husi Planu Asaun ida-ne'e, Governu Timor-Leste no Governu Austrália no Joint Venture Greater Sunrise NIAN sira envolve an iha sorumutuk no diskusaun nafatin hahú kedas husi fulan-setembru tinan ne'e, hodi to'o ba-ihاسوبutuk bilaterál rua ne'ebé aas liu, iha fulan ne'e, ida iha Brisbane no ida seluk iha Singapura. Durante sorumutuk hirak ne'e, governu sira no Joint Venture buka atu elabora no alkansa akordu ida kona-ba konseitu husi dezvoltimentu ba kampu gás Greater Sunrise nian.

Komisaun no governu rua ne'e mós ko'alia kona-ba koordenasaun hodi fó sai testu tratadu ne'e nian ba públiku kona-ba ketan tasik sira, ne'ebé finaliza ona iha Haia iha fulan ikus ne'e. Governu rua oras ne'e hahú envolve ona ho parte privadu sira ne'ebé iha interese iha Tasi Timor kona-ba efeitu husi tratadu ne'e nian ba interese privadu sira, nune'e mós kona-ba preparasaun ba tranzisaun ne'ebé governu rua ne'e prevee ona.

Sorumutuk hirak ne'e halo parte ba diálogo estruturadu ida iha âmbito

konsiliaisaun entre Timor-Leste no Austrália, ne'ebé dirije husi Komisaun Konsiliaisaun tuir Konvensaun Nasoins Unidas nian kona-ba Lei Tasi nian no ho patrosíniu husi Tribunál Permanente Arbitrajen (“TPA”). Durante prosesu konsiliaisaun ne'e nian, Parte sira to'o iha akordu ida kona-ba testu husi tratadu ida ne'ebé delimita ketan-tasik entre nasaun rua ne'e iha Tasi Timor no ko'alia kona-ba estatutu jurídiku kampu gás Greater Sunrise nian, estabesimentu Rejime Espesiál ida ba Greater Sunrise, dalan ida ba dezvoltimentu rekursu nian no fahe reseita ne'ebé hetan.

Pasu sira Tuirmai

Parte sira kontinua la'o tuir sira-nia prosedimentu aprovasaun internu atu realiza asinatura ba tratadu ne'e. Komisaun ne'e sei konvoka sesaun levantamentu foun nian ida iha fulan-dezemburu tinan ne'e, ho objetivu atu haree fila-fali progresu kona-ba konseitu dezvoltimentu Greater Sunrise no atu koordena pasu hirak ne'ebé iha relasaun ho divulgasaun no asinatura tratadu ne'e nian. Durante kontinua fasilita envolvimentu husi Parte sira kona-ba dezvoltimentu rekursu Greater Sunrise nian, Komisaun mós agora haree fali ba nia relatóriu kona-ba prosedimentu sira ne'e tuir Konvensaun Nasoins Unidas kona-ba Lei Tasi nian. . Relatóriu Komisaun nian sei remata no publika iha inísiu tinan 2018.

Kontestu husi Prosesu Konsiliaisaun nian

Komisaun Konsiliaisaun nian, harii iha lora 25 fulan-juñu tinan 2016, nu'udar estabese ona iha aneksu V Konvensaun nian, kompostu husi membru lima, ne'ebé prezide husi Exelentísimu Embaixador Peter Taksøe-Jensen (Dinamarca). Sira seluk ne'ebé hola parte ba ekipa ne'e mak Dra.Rosalie Balkin (Austrália), Juiz Abdul G.Koroma (Serra Leao), Profesór Donald McRae (Kanadá no Zelândia Foun) no Juiz Rüdiger Wolfrum (Alemaña). Tuir akordu husi Parte sira, Tribunál Permanente Arbitrajen sei fó apoiu administrativu durante Konsiliaisaun ne'e.

Konsiliaisaun ne'e hahú iha lora 11 fulan-abríl tinan 2016, liuhusi Notifikasaun kona-ba Instituisaun Konsiliaisaun nian, tuir Seksaun 2 husi Aneksu V Konvensaun nian” ne'ebé Timor-Leste haruka ba Austrália.

Iha lora 2 fulan-maiu tina 2016, Austrália hatama ona “Resposta Austrália nian ba Notifikasaun Konsiliaisaun”

Iha loron 28 fulan-jullu tinan 2016, Komisaun Konsiliaun hala'o sorumutuk prosesual ida ho Parte sira, iha Palásiu Pás, iha Haia, iha Olanda.

Iha loron 29, 30 no 31 fulan-agostu, Komisaun ne'e hala'o Sesaun Abertura Konsiliaun nian no Audiénsia kona-ba Kompeténsia, iha Palásiu Pás nian Haia, iha Olanda.

Iha loron 19 fulan-setembru tinan 2016, Komisaun fó-sai "Dezisaun kona-ba Kompeténsia", hodi konklui katak Konsiliaun ne'e iha continuidade.

Husi loron 10 to'o loron 13 fulan-outubru tinan 2016, Komisaun hala'o sorumutuk ho Parte sira iha Singapura.

Iha loron 9 fulan-janeiru tinan 2017, Ministru Negósius Estranjeirus Timor-Leste nian no Ministru Negósius Estranjeirus Austrália nian, hamutuk ho Komisaun, fó-sai Deklarasaun Trilaterál Konjunta ida kona-ba terminasaun ba Tratadu ba Aranjus Balu iha Tasi Timor [CMATS]. Husi loron 16 to'o 20 fulan-janeiru tinan 2017, Komisaun ne'e hasoru-malu ho Parte sira iha Singapura.

Husi loron 27 to'o 31 fulan-marsu tinan 2017, Komisaun ne'e hasoru-malu ho Parte sira iha Washington, D.C.

Husi loron 5 to'o 9 fulan-juñu tinan 2017, Komisaun ne'e hasoru-malu ho Parte sira ne'e iha Kompeñaga.

Husi loron 24 to'o 28 fulan-jullu tinan 2017, Komisaun ne'e hasoru-malu ho Parte sira iha Singapura.

Husi loron 28 fulan-agostu to'o loron 1 fulan-setembru tinan 2017, Komisaun hasoru-malu ho Parte sira ne'e iha Kopeñaga.

Iha loron 30 fulan-agostu tinan 2017, Parte sira hetan Akordu kona-ba Pakote Abrajente ida kona-ba elementu sentrál sira husi delimitasaun ketan-tasik sira entre nasaun rua ne'e iha Tasi Timor. Aleinde ketan sira ne'e, Akordu kona-ba Pakote Abrajente ne'e ko'alia kona-ba estatutu jurídiku kampu gás Greater Sunrise nian, establesimentu Rejime Espesiál ida ba Greater Sunrise, dalan ida ba dezvoltamentu rekursu nian no fahe reseita ne'ebé hetan.

Iha loron 13 fulan-outubru tinan 2017, hafoin sorumutuk iha Haia, Parte sira ne'e hetan akordu ida kona-ba testu integrál husi projetu tratadu nian ida, hanesan antesipa ona iha akordu loron 30 fulan-agostu nian. Tratadu ida-ne'e delimita ketan-tasik entre nasaun rua ne'e iha Tasi Timor no ko'alia kona-ba

estatutu jurídiku kampu gás Greater Sunrise nian, estabesimentu Rejime Espesiál ida ba Greater Sunrise, dalan ida ba dezvoltimentu rekursu no fahe reseita ne'ebé hetan.

Atu hetan informasaun barak liután kona-ba kazu ida-ne'e bele haree iha www.pca-cpa.org/en/cases/132/, ne'ebé inklui testu kompletu husi Desizaun Komisaun nian kona-ba Kompeténsia, gravasaun no transkrisaun Sesaun Abertura, apresentasaun husi Parte sira, Nota Imprensa sira uluk nian no Deklarasaun Trilaterál Konjunta sira.

Kontestu Tribunál Permanente Arbitrajen nian

Tribunál Permanente Arbitrajen nu'udar organizasaun intergovernamentál ne'ebé harii iha tinan 1899 husi Konvensaun Haia kona-ba Solusaun Pasífika ba Konflitu Internasionál sira. TPA kompostu husi Parte Kontraentre 121. TPA ninia sede lokaliza iha Palásiu Pás, Haia, iha Olanda. TPA fasilita arbitrajen, konsiliaun, investigasaun ba faktu sira no métodu sira seluk kona-ba rezolusaun konflitu, entre kombinasun oin-oin husi Estadu sira, entidade estatál, organizasaun intergovernamentál sira no parte privada sira. Departamentu internasionál (*Internasionál Bureu*) TPA nian daudaun ne'e administra hela disputa 5 entre Estadu sira, kazu arbitrajen nian 76 ne'ebé envolve investidór ida no Estadu ida no kazu 45 ne'ebé mai husi kontratu ne'ebé envolve Estadu ida ho entidade públika ida. Atu hatene informasaun barak liután kona-ba TPA ne'e bele haree iha www.pca-cpa.org.

Kontaktu:

Tribunál Permanente Arbitrajen

E-mail:bureau@pca-cpa.org